

**Kalaallit Nunaanni ilinniarnertuunngorniарfinni aamma annerusumik  
ilinniagaqarnissamut piareersaataasumik fagini ataasiakkaani  
atuartitaanissamut tiguneqartarneq pillugu nalunaarutip allanngorneranik  
nalunaarut  
(Ilinniartussatut tiguneqartarneq pillugu nalunaarut)**

**§ 1**

Kalaallit Nunaanni ilinniarnertuunngorniарfinni aamma annerusumik ilinniagaqarnissamut piareersaataasumik fagini ataasiakkaani atuartitaanissamut tiguneqartarneq pillugu nalunaarummi nr. 153, 6. marts 2000-imeersumi (Ilinniartussatut tiguneqartarneq pillugu nalunaarut) tulliuuttut allannguutit suliarineqarput:

**1. § 1** ima oqaasertaqarpoq:

”§ 1. Tiguneqarnissamik qinnuteqartut, Namminersornerullutik Oqartussat meeqqat atuarfianni inaarutaasumik naliliineq pillugu nalunaarutaanni malittarisassat malillugit meeqqat atuarfianni pinngitsoorani misilitsiffissani misilitsissimasut, ilinniarnertuunngorniарfimmi ukiuni pingasuni ilinniarnissamut tiguneqarsinnaapput meeqqat atuarfiannik toqqaannartumik, tamanna tikillugu atuarfigisap naliliinera malillugu atuartitaanermik naammagisimaarnartumik malinnaaffiginnissinnaanissaat piffissarlu nalinginnaasoq atorlugu ilinniарnerminnik naammassinnissinnaanissaat ilimagineqassapat.

*Imm. 2.* Qinnuteqartut, imm. 1 malillugu tiguneqarsinnaatitaasut, ilinniarnissamut qinnuteqaamminni salliutillugu taasaminnut tiguneqassapput, takuulli imm. 3.

*Imm. 3.* Inuussutissarsiutitigut ilinniarnertuunngorniарfinni ilinniartunngorniарlutik qinnuteqartut, imm. 1 malillugu tiguneqarsinnaatitaasut, ilinniарfimmi tassani inissaqanngippata itigartinneqarsinnaapput.

*Imm. 4.* Inuussutissarsiutitigut ilinniarnertuunngorniарfinni tiguneqarsinnaatitaasut qinnuteqartut, inissaqannginneq pissutigalugu itigartinneqartut, Kalaallit Nunaanni Ilinniarnertuunngorniарfimmi tiguneqarnissamik neqeroorfigineqassapput.”

**2. § 4** ima oqaasertaqarpoq:

”§ 4. Qinnuteqartut, meeqqat atuarfianni inaarutaasumik annertusisamik misilitsissimasut, imaluunniit Namminersornerullutik Oqartussat meeqqat atuarfianni inaarutaasumik naliliineq pillugu nalunaarutaanni malittarisassat malillugit meeqqat atuarfianni pinngitsoorani misilitsiffissani misilitsissimasut, imaluunniit tamatumunnga nallersuunneqarsinnaasumik piginnaasallit ilinniagaqarnissamut piareersaataasumik fagini ataasiakkaani atuartitaanissamut tiguneqarsinnaapput, qinnuteqartup inuttut ilinniarnikkullu piginnaasai ataatsimut naliliiffigereerlugit atuarfiup ilimagissappagu qinnuteqartoq atuartitaanermik naammagisimaarnartumik malinnaaffiginnissinnaallunilu piffissaq nalinginnaasoq atorlugu atuartitaanermik naammassinnissinnaasoq.”

## § 2

Nalunaarut atuutilerpoq ulloq 18. februar 2008 atuutilerlunilu ukiumut atuarfiusumut 2008/2009-mut tigutinnermiit, takuulli imm. 2.

*Imm. 2.* Atuartut, ukiumi atuarfiusumi 2007/2008-mi meeqqat atuarfianni 11. imaluunniit 12. klassemik naammassinnissimasut, aamma meeqqat atuarfianni kalaallisut, danskisut, kisitsinermik/matematikkimik, tuluttut aamma fysik/kemimik, takuulli imm. 3, inaarutaasumik annertusisamik misilitsissimasut, meeqqat atuarfiannik naammassinnereernikut toqqaannartumik ilinniarnertuunngorniarfimmi ukiuni pingasuni ilinniarnissamut tiguneqarsinnaapput, tamanna tikillugu atuarfigisap naliliinera malillugu atuartitaanermik naammagisimaarnartumik malinnaaffiginnissinnaanissaat piffissarlu nalinginnaasoq atorlugu ilinniarnerminnik naammassinnissinnaanissaat ilimagineqassappat.

*Imm. 3.* Qinnuteqartut, meeqqat atuarfianni malittarisassat malillugit kalaallit oqaasiinik inunnguutsimiit oqaatsitulli oqimaassusilimmik fageqartitaanngitsut, kalaallit oqaasiinik meeqqat atuarfiannik naammassinermi annertusisamik misilitsissimanissaat piunasaqaataanngilaq.

*Imm. 4.* Imm. 2 malillugu qinnuteqartut malittarisassat Kalaallit Nunaanni ilinniarnertuunngorniarfinni aamma annerusumik ilinniagaqarnissamut piareersaataasumik fagini ataasiakkaani atuartitaanissamut tiguneqartarneq pillugu nalunaarummiittut nr. 153, 6. marts 2000-imeersumi (Ilinniartussatut tiguneqartarneq pillugu nalunaarut) aamma atuutissapput.

*Undervisningsministeria, ulloq 12. februar 2008*

JARL DAMGAARD  
IMMIKKOORTORTAMI PISORTAQ

/Helle Kristiensen